

## ■ CHASA EDITURA RUMANTSCHA

### Andri Peer, Prosa 1945–1985

(cp) «Restan cudeschs? Be pacs – ün pêr chi'd han furtüna» (Andri Peer, 1968). Schebain ch'el sa chapiva sco autur rumantsch ha Peer era publitgà ina retscha da raquints per tudestg. Ils texts en prosa preschentads en questa nova ediziun bilingua èn cumparids tranter 1945 e 1985 en gasettas, revistas ed antologias ed en diversas collecziuns oz exaustas; intginas da questas paginas n'èn anc mai stadas publitgadas. La prosa vegn commentada dad Andri Peer sez, dad *Annetta Ganzoni*, *Clà Riatsch* e *Rico Valär*.

En ses raquints ed essais, en sias satiras, short stories e poems en prosa ha Andri Peer tematisà dumondas d'actualitad, la-vur d'uffants per exempel, la vita dals mastergnants, plazzals da fabrica sin ils pass e las novas funicularas. Ma el ha er interpretà vegls temas retics, scrit istorgias da chatscha e da fraudaders, dals scumbigls grischuns ed autras aventuras, ed adina puspè era da l'aventura dal scriber.

Cun quest tom vegn preschentà in cudesch da lectura practic. En la cumparsa è vegnì resguardà l'ediziun da poesias dad Andri Peer (Clà Riatsch, 2003, Desertina) – uschia datti uss ina attractiva ediziun cumpletta da quest autur engiadinais.

La preschentaziun da questa nova ediziun dad Andri Peer ha lieu ils 15 da fanadur a las 20.30 en il Bistro staziun a Lavin. Cun ina introducziun dad Annetta Ganzoni, musica da *Chasper-Curò Mani* e curtas prelecziuns da Rico Valär e *Bettina Vital*. Cun aperitiv. Entrada libra.

**Il cudesch custa 42 francs, da retrair tar las librerias u tar [www.chasaeditura.ch](http://www.chasaeditura.ch)**

